

四庫全書

集部

欽定四庫全書

坡門酬唱集卷五

宋 邵浩 編

東坡

病中遊祖塔院

紫李黃瓜村路香  
烏紗白葛道衣涼  
閉門野寺松陰轉  
歌枕風軒客夢長  
因病得閒殊不惡  
安心是藥更無方  
道人不惜堦前水  
借與匏樽自在嘗

樂城次韻二首

掃地開門松檜香  
僧家長夏亦清涼  
公庭多事久來厭  
靜處安眠計甚長  
脩竹填窓藤簟綠  
白蓮當戶石盆方  
香厨晚飯紅粳熟  
忽憶烹雞田舍嘗

澗谷新晴草木香  
野情消散自生涼  
雨添山色翠將溜  
日轉松陰晚更長  
病客獨來惟有睡  
遊僧相見亦它方  
還家煩熱都消盡  
不信醫王與藥嘗

與述古自有美堂乘月夜歸

娟娟雲月稍侵軒  
潄潄星河半隱山  
魚鑰未收清夜永  
鳳簫猶在翠微間  
淒風瑟縮經弦柱  
香霧淒迷著髻鬟  
共喜使君能鼓樂  
萬人爭看火城還

樂城次韻

飲闌鐘虡欲移軒  
香霧猶殘金博山  
明月飛來松嶺外  
遊人散落馬蹄間  
城嚴畫鼓初傳角  
路暗山花自落鬟  
清境暫時都不見  
夜深人靜始來還

立秋日禱雨宿靈隱寺同周徐二令

百重堆案掣身閒一葉秋聲對榻眠床下雪霜侵戶月  
枕中琴筑落堦泉崎嶇世味嘗應遍寂寞山樓老漸便  
惟有憫農心尚在起占雲漢更茫然

樂城次韻

世故紛紛誰復閒蛟龍不雨獨安眠人間已厭三秋旱  
澗底猶慳一掬泉廟令酒肴時醉飽田家糠粃久安便  
憂心未已誰知卹更把爐香試一然

與周長官李秀才遊徑山二君先以詩見寄次其

韻二首

少年飲紅裙酒盡推不去呼來徑山下試與洗塵霧凝  
馬惜障泥臨流不肯渡獨有汝南君從我無朝暮肯將  
紅塵腳暫著白雲屨嗟我與世人何異笑百步功名一  
破甑棄置何用顧更憑陶靖節往問征夫路

龍亦戀故居百年尚來去至今雨電夜殿閣風纏霧而  
我棄鄉國大江忌北渡便欲此山前築室安遲暮又恐  
太幽獨歲晚霜入屨同遊得李生仄足隨蹇步孔明不

自愛臨老起三顧吾歸便却掃誰踏門前路

樂城次韻

我兄東南遊我亦夢中去徑山聞已熟往意穿雲霧夢  
經山前溪足冷忽先渡舉頭雲峰合到寺霜日暮香厨  
饌巖菽野徑踏藤屨平生共遊處蹇足躡高步崎嶇每  
生胝眩晃屢回顧何年棄微官攜手衆山路

得此詩後  
夢與兄同

遊山中故  
為此篇

除夜病中贈段屯田

龍鍾三十九勞生已強半歲暮日斜時還為昔人歎

樂天

詩云行年三十九歲暮日已斜今年一線在那復堪把玩欲起強持酒

故交雲雨散惟有病相尋空齋為老伴蕭條燈火冷寒  
夜何時旦勸僕觸屏風飢飈嗅空案數朝閉閣臥霜髮  
秋蓬亂傳聞使者來策杖就梳盥書來苦安慰不怪造  
請緩大夫忠烈後高義金石貫要當擊權豪未肯覲衰  
慙此生何所似閨盡灰中炭歸田計已決此邦聊假館  
三徑粗成資一枝有餘暖願君更信宿庶奉一笑粲



喬太博見和復次韻答之

百年三萬日老病常居半其間互憂樂歌笑雜悲歎顛  
倒不自知直為神所玩須臾便堪笑萬事風雨散自從  
識此理久謝少年伴逝將遊無何豈暇讀城旦非才更  
多病二事可并案愧煩賢使者弭節整紛亂喬侯瑚璉  
質清廟嘗薦盥奮髯百吏走坐變齊俗緩未遭甘鷄退  
並進恥魚貫每聞議論餘凜凜激貪懦同慙莫邪當自躍  
豈復煩爐炭便應朝秣越未暮刷燕館胡為守故丘眷

戀桑榆暖為君叩牛角一咏南山粲

二人再和亦再答之

寒難知將晨飢鶴知夜半亦如老病客遇節常感歎光  
陰等敲石過眼不容玩親友如搏沙放手還復散羈孤  
每自笑寂寞誰肯伴元達號神君

晉循吏喬智明字元達

高論森

月旦紀明本賢將

段釋之本將家

汨沒事推案欣然肯相顧夜

閣燈火亂盤空愧不飽酒薄僅堪盥雍容許著帽不怪  
安石緩雖無窈窕人清唱弄珠貫幸有縱橫舌說劍起

慵懦二豪沈下位暗火埋濕炭豈似草玄人默默老儒  
館行看富貴逼炙手借餘暖應合苦思歸登樓賦王粲  
和頓教授見寄用除夜韻

我笑陶淵明種秫二頃半婦言既不用還有責子歎無  
絃則無琴何必勞撫玩我笑劉伯倫醉髮蓬莖散二豪  
苦不納獨以鐻自伴既死何用埋此身同夜旦孰云二  
子賢自結兩重案笑人還自笑出口談治亂一生溷塵  
垢晚以道自盟無成空得懶坐此百事緩反聞頓夫子

講道出新貫豈無一尺書恐不記庸懦陋邦貧且病數  
米銖稱炭慙愧章先生十日坐空館袖中出子詩貪讀  
酒屢煖狂言各須慎勿使輸薪粲

樂城次韻

京東分東西中劃齊魯半兄來本相從路絕一長歎前  
朝使者還手把新詩玩憐我久別離卷帙為舒散誰言  
窮陋邦得此酬唱伴相逢傾蓋間晤語何旦旦宦遊少  
娛樂纏縛苦文案能於王事餘時作楚詞亂譬如近膏

油未肯忘濯盥賢豪真勉強功業畏縈緩伊余獨何為  
舊籍西南貫竊祿未遑歸自笑嗟已懦方當四海寒戀  
此一寸炭主勸客欲留逡巡要奪館奈何獨見收軟語  
強溫煖此意定難酬還予授子漿

魯直見子瞻漿字韻和答三人四返不困而愈  
崛竒輒次舊韻寄彭門三首

公材如洪河灌注天下半風日未嘗撓晝夜聖所歎名  
世二十年窮無歌舞玩入宮又見妬徒友飛鳥散一飽

事難諧五車書作伴風雨暗樓臺雞鳴自昏旦雖非錦  
繡贈欲報青玉案文似離騷經詩窺闕雎亂賤生恨學  
晚曾未奉巾盥昨蒙雙鯉魚遠託鄭人緩風義薄秋天  
神明還舊貫更磨薦襴墨推挽起疲懦忽忽未嗣音微  
陽歸候炭仁風從東來拭目望齋館烏聲日日春柳色  
弄晴暖漫有酒盈樽何因見此粲

人生等尺椀豈耐日取半誰能如秋蟲長夜向壁歎朝  
四與暮三適為狙公玩臭腐暫神竒喑噫即飄散我觀

萬世中獨立無介伴小點而大癡夜氣不及旦低首甘  
養尻脍登俎案所以終日飲醉眼朱碧亂無人明此  
心忍垢待濯盥仰看東飛雲只使衣帶緩先生古人學  
百氏一以貫見義勇必為少作衰俗懦忠言願回天不  
忍數吞炭還從股肱郡待詔圖書館投壺得賜金侏儒  
餘飽煖寧令東方公但索長安粢

元龍湖海士毀譽畧相半下床臥許君上床自永歎丈  
夫屬有念人物非所玩坐令結歡客化為煙霧散武功

有大畧亦復寡朋伴詠歌思見之長夜鳴鵲旦東南望  
彭門官道平如案簡書束縛人一水不能亂斯文婉柅  
鬯可用圭瓚盟試求活國醫何忍棄和緩開疆日百里  
都內錢朽貫銘功甚俊偉那見儒生懦且當置是事勿  
使冰作炭上帝羣玉府道家蓬萊館曲肱夏簟寒炙背  
冬屋暖只令文字垂萬世星斗粲

魯直次韻答舒堯民

君開蘇公詩疾讀思過半譬如聞韶耳三月忘味歎我



詩豈其朋組麗等俳玩不聞南風絃同調廣陵散鶴鳴  
九天上肯作家雞伴晁子但愛我品藻私月旦官閒樂  
相從梨栗供杯案門靜烏雀嬉花深蜂蝶亂忽蒙加禮  
貌齋戒事搢盥問大心更小意督辭反緩君才於用多  
舞選弓矢貫聰明回自照勝已果非懦我如相繪事素  
質施朽炭古來得道人非獨大庭館晁子已不疑冬寒  
春自暖繫表如藥言擇友得荀粲

魯直再和寄子瞻聞得湖州

天下無相知得一已當半桃僵李為仆芝焚蕙增歎佳  
人在江湖照影自娛玩一朝入漢宮掃除備冗散何如  
終流落長作朝雲伴相坐欲面論坐起難五旦身慚尸  
廩祿坐罪未見案公文雄萬夫噉噉不自亂臧穀皆亡  
羊要以道湔盥傳聲向東南王事不可緩春波下數州  
快若七札貫椎鼓張風帆相見激衰懦空文不傳心千  
古付煨炭安得垂天雲飛就吳興館魚鱗柳絮肥筍煮  
溪沙暖解歌使君詞樽前有三粲

往在東武與人往返作粲字韻詩四首今黃魯直  
亦次韻見寄復和答之

符堅破荊州止獲一人半中郎老不遇但喜識元嘆我  
今獨何幸文字厭奇玩又得天下才相從百憂散陰求  
我輩人規作林泉伴寧當待垂老倉卒收一旦不見梁  
伯鸞空對孟光案才難不其然婦女廁周亂世豈無作  
者於我如既盥獨喜誦君詩咸韶音節緩夜光一已多  
矧獲纍纍貫相思君欲瘦不往我真懦吾儕眷微祿寒

夜抱寸炭何時定相過徑就我乎館飄然東南去江水  
清且暖相與訪名山微言師忍粲

雪後書北臺壁二首

黃昏猶作雨纖纖夜靜無風勢轉嚴但覺衾裯如潑水  
不知庭院已堆鹽五更曉色來書幌半夜寒聲落畫簷  
試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟  
光搖銀海眩生花遺蝗入地應千尺宿麥連雲有幾家

老病自嗟詩力退空吟冰柱憶劉叉

謝人見和前篇

已分酒杯欺淺懦敢將詩律鬪深嚴  
漁蓑句好真堪畫柳絮才高不道鹽  
敗履尚存東郭足飛花又舞謫仙簷  
書生事業真堪笑忍凍孤吟筆退尖

九陌淒風戰齒牙銀杯逐馬帶隨車  
也知不作堅牢玉無奈能開頃刻花  
得酒強歡愁底事閉門高臥定誰家  
臺前日暖君須愛冰下寒魚漸可叉

樂城次韻

麥苗出土正纖纖  
春早寒官令尚嚴  
雲覆南山初半嶺  
風乾東海盡成鹽  
來時瞬息平吞野  
積久歌危欲敗簷  
強付酒樽判醉熟  
更尋詩句鬪新尖

點綴偏工亂鵠鴉  
淹留亦解惱船車  
乘春已覺矜餘力  
騁巧時能作細花  
僂鴈墮鳶誰得罪  
敗墻破壁若為家  
天公愛物遙憐汝  
應是門前守夜叉

是歲京師雪尤甚  
鵠鴈墮死如積

玉盤盂二首

并序

東武舊俗每歲四月大會於南禪資福兩寺以芍  
藥供佛而今歲最盛凡七千餘朶皆重樹累萼繁  
麗豐碩中有白花正圓如覆盂其下十餘葉稍大  
承之如盤姿格絕異獨出於七千朶之上云得之  
於城北蘇氏園中周宰相莒公之別業也而其名  
俚甚乃為易之

雜花狼籍占春餘芍藥開時掃地無兩寺粧成寶璣珞  
一枝爭看玉盤盂佳名會作新翻曲絕品難尋舊畫圖

從此定知年穀熟姑山親見雪肌膚

花不能言意可知令君痛飲更無疑但持白酒勸佳客  
直待瓊舟覆玉羹負郭相君初擇地看羊屬國首吟詩  
吾家豈與花相厚更問殘芳有幾枝

樂城次韻

千葉團團一尺餘揚州絕品舊應無賞傳  
莒國遷鐘虞移憶胡僧置鉢孟叢底留連傾鑿落  
鉗中捧擁照浮圖  
強將絳蠟封紅萼憔悴無言損玉膚



故相林亭父老知出羣草木尚何疑無多產業殘花藥  
幾許功名舊鼎彛豐艷不知人世別佳名新換使君詩  
明年會看花尤好剝盡浮苞養一枝

寄黎眉州

膠西高處望西川應在孤雲落照邊瓦屋寒堆春後雪  
峨眉翠掃雨餘天治經方笑春秋學好士今無六一賢

君以春秋受知於歐陽文忠公公自號六一居士

且待淵明賦歸去共將詩酒

趁流年

樂城次韻

眼看狂瀾倒百川，孤根漂蕩水無邊。  
思家松菊荒三徑，回首謳歌沸二天。  
簿領沉迷催我老，春秋廢格累君賢。

隣居屈指今誰在，一念傷心十五年。

轍昔侍先人于京師與希聲鄰居太

學是時公之亡兄與二亡姪皆在今十五年而在者惟公與僕二人言之流涕

送碧香酒與趙明叔教授

聞君有婦賢，且庶勸君慎。  
勿為楚相不羨紫駝，分御食自遣赤脚沽村釀。  
嗟君老狂不知愧，更吟醜婦惡嘲謗。

諸生聞語定失笑冬暖號寒臥無帳碧香近出帝子家  
鵝兒破殼酥流盎不學劉伶獨自飲一壺往助齊眉餉

趙既見和復次韻答之

長安小吏天所放日夜歌呼和丞相豈知後世有阿瞞

曹公自言  
參之後北海樽前捉私釀先生未出禁酒國詩語孤

高常近謗幾回無酒欲沽君却畏有司書簿帳近制公  
使酒過

數法  
甚重酸寒可笑分一斗日飲亡何足素盎更將險語壓

衰翁只恐自是臺無餉

趙郎中往呂縣逾月而歸復以一壺遺之仍用元

韻

東鄰主人遊不歸悲歌夜夜聞春相門前人鬧馬嘶急  
一家喜氣如春釀王事何曾怨獨賢室人豈忍交謫謗  
大兒踉蹌越門限小兒咿啞語繡帳定教舞袖掣伊涼  
更想夜庖鳴蠶盎題詩送酒君勿謂免使退之嘲一餉  
魯直用韻送碧香酒戲贈鄭彥能

食貧好酒嘗自嘲日給上尊無骨相大農部丞送新酒

碧香竊比主家釀應憐坐客竟無糧更遭官長頗譏謗  
銀杯同色試一傾排遣春寒出帷帳浮蛆翁翁杯底滑  
坐想康成論泛盎重門著闕不為君但備惡客來仇餉

坡門酬唱集卷五

欽定四庫全書

坡門酬唱集卷六

宋 邵浩 編

東坡

送范景仁遊洛中

小人真闇事閒退豈公難道大吾何病言深聽者寒憂  
時雖早白住世有還丹得酒相逢樂無心所遇安去年  
行萬里蜀路走千盤投老身彌健登山意未闌西遊為

櫻筍東道盡鵝鸞杖屨攜兒去園亭借客看折花斑竹  
寺弄水石樓灘鬻馬衰憐白驚雷怯笑韓蘄書標洞府  
歐陽永叔嘗遊嵩山日暮於絕壁上見松蓋偃天壇試  
苔蘚成文云神清之洞明日復尋不見松蓋偃天壇試  
與劉夫子重尋靖長官

劉几云曾見人嵩山幽絕處  
眼光如描意其為靖長官也

樂城次韻

尋山非事役行路不應難洛浦花初滿嵩高雪尚寒平  
林抽凍笋奇艷變山丹節物朝朝好肩輿步步安醪醕  
醲臘酒苜蓿薦朝盤得意忘春晚逢人語夜闌歸休三

黜柳賦咏五噫鸞鶴老身仍健鴻飛世共看雲移忽千里世路脫重灘西望應思蜀東還定過韓平川涉清潁絕頂上封壇出處看公意令人欲棄官

初別子由

我少知子由天資和而清好學老益堅表裏漸融明豈獨為吾弟要是賢友生不見六七年微言誰與賡常恐坦率性放縱不自程會合亦何事無言對空枰使人之意消不善無由萌森然有六女包裹布與荆無憂賴賢



婦藜藿等大烹使子得行意青衫陋公卿明日無晨炊  
倒牀作雷鳴秋眠我東閣夜聽風雨聲懸知不久別妙  
理難細評昨日忽出門孤舟轉西城歸來北堂上古屋  
空崢嶸退食悞相從入門中自驚南都信繁會人事水  
火爭念當閑閣坐頽然寄聲盲妻子亦細事文章固虛  
名會須掃白髮不復用黃精

樂城次韻

滾滾河渭濁皎皎江漢清源流既自異美惡終未明嗟

我頑鈍質乃與公並生出處每自託謳吟輒嘗賡譬如  
病足馬共此千里程勝負坐已決豈待終一枰憶公年  
少時濯濯吐新萌堅姿映松柏直節凌榛荆學成志益  
厲秋霜落春榮澹然養浩氣脫屣遺齊卿百鍊竟不變  
三年終未鳴區區兩郡守籍籍四海聲年來效瘖默世  
事慵譏評不見室家好况如揖重城別離長塵垢歲華  
何崢嶸彭門偶會合白髮互相驚受教恐不足吐論那  
復爭疾雷發輦賸清月照昏盲篤愛未忍棄浪云舊齊

名更請問郭許題品要當精

子瞻杭州見寄詩云  
先生別駕舊齊名

春菜

蔓菁宿根已生葉  
韭芽戴土拳如蕨  
爛蒸香薺白魚肥  
碎點青蒿涼餅滑  
宿酒初消春睡起  
細履幽畦掇芳辣  
茵陳甘菊不負渠  
鱠縷堆盤纖手抹  
北方苦寒今未已  
雪底波稜如鐵甲  
豈如吾蜀富冬蔬  
霜葉露芽寒更茁  
久拋松葛猶細事  
苦筍江豚那忍說  
明年投劾徑須歸  
莫待齒搖并髮脫

魯直次韻

北方春蔬嚼冰雪研暖思采南山蕨韭苗水餅姑置之  
苦菜黃雞羹糝滑蓴絲色紫菰首白薑蒿牙甜薤頭辣  
生菹入湯飜首成芼以薑橙誇縷抹驚雷菌子出萬釘  
白鵝截掌鱉解甲琅玕林深未飄籜軟炊香粳煨短茁  
萬錢自是宰相事一飯且從吾黨說公如端為苦笋歸  
明日青衫誠可脫

與梁左藏會飲博國博家

將軍破賊自草檄論詩說劍俱第一彭城老守本虛名  
識字劣能欺項籍風流別駕貴公子欲把笙歌暖鋒鏑  
紅旆朝開猛士噪翠帷暮捲佳人出東堂醉臥呼不起  
啼鳥落花春寂寂試教長笛傍耳根一聲吹裂堦前石

樂城次韻

彭城欲往臺無檄初喜東南合為一將軍走馬隨春風  
精銳千人森尺籍口占佳句驚衆坐手練強兵試鳴鏑  
酒酣起舞花滿地醉倒不聽人扶出歸來相對如夢寐

虎踞熊經苦岑寂黃樓方就可同遊飲盡官厨三百石  
張安道見示近詩

人物一衰謝微言難重尋慙慙永嘉末復聞正始音清  
談未足多感時意殊深少年有奇志欲和南風琴荒林  
蝸蝨亂廢沼蛙蠧淫遂欲掩兩耳臨文但噫瘖蕭然王  
郎子來自維山陰其壻王  
鞏攜來云見浮丘伯吹簫明月岑遺  
聲落淮泗蛟鼉為悲吟願公正王度祈招繼悃悃

樂城次韻

世俗甘枉尺所願求直尋不知一律訛大樂無完音見  
利心自搖慮害安得深至人不妄言談如朱絲琴悲傷  
感舊俗不類騷人淫又非避世翁閤嘿遽陽瘖膠膠晨  
雞鳴豈問晴與陰世人積寸木坐使高樓岑晚歲臥草  
廬誰聽梁甫吟它年楚倚相儻能記惜惜

次韻舒堯文祈雪霧猪泉

長笑蛇醫一寸腹銜冰吐電何時足蒼鵠無罪亦可憐  
斬頸橫盤不敢哭豈知泉下有猪龍臥枕雷車踏陰軸

前年太守為旱請雨點隨人如撒菽

傳欽之曾禱此泉得雨

太守

歸國龍歸泉至今人詠淇園綠我今又復罹此旱凜凜

疲民在溝瀆却尋舊跡叩神泉坐客仍攜王子淵

欽之時客

惟舒在矣

看草中和樂職頌新聲妙語慰華顛曉來泉上東

風急須上冰珠老蛟泣怪詞欲逼龍飛起嶮韻不量吾

所及行看積雪厚埋牛誰與春工掀百蟄此時還復借

君詩餘力汰輶仍貫笠揮毫落紙勿言疲驚龍再起震

失匙



魯直次韻

老農年飢望人腹想見四溟森雨足林回投壁負嬰兒  
豈聞烹兒翁不哭未論萬戶無炊煙蛛絲蝸涎經杼軸  
使君閑雪無肉味煮餅青蒿下鹽菽豈云剪爪宜侵肌  
霜不殺草仍故綠幽靈哭鼎西山霧牲肥酒香神未瀆  
得微往從董父餐寧當罪繫葛陂淵卜擇祠官齊博士  
暴露致告蒼崖巔請天行澤不汲汲爾亦枯魚過河泣  
生鵝斬頸血未乾風馬雲車坐相及百里旌旗灑玉花

使君義動龍蛇蟄老農歡喜有春事呼兒飯牛理蓑笠  
博士勿嘆從公疲明年麥飯滑流匙

人日獵城南會者十人以身輕一鳥過槍急萬人  
呼為韻軼得鳥字

兒童笑使君憂愠長悄悄誰拈白接羅令跨金驤裏東  
風吹濕雪手冷怯清曉忽發兩鳴鶻相趁飛蟲小放弓  
一長嘯目送孤鴻矯吟詩忘鞭轡不語頭自掉歸來仍  
脫粟鹽政煮芹蓼何似雷將軍兩眼霜鶻皎黑頭已為

將百戰意未了馬上倒銀鉞得兔不暇燎少年負奇志  
蹭蹬百憂繞回首英雄人老死已不少青春還一夢餘  
年真過鳥莫上呼鷹臺平生笑劉表

樂城次韻

將賢士氣振令肅軍聲悄晨登戲馬臺一試胡騷裏城  
空巷無人里社轉相曉吾公庶無疾但恐園圃小荆榛  
一焚蕩雉兔皆驚矯翩翩白馬將手把青絲挑少小事  
遄微斬刈輕荼蓼殿前賜鞍勒珂月明皎皎自言得所

事強暴無不了廟算本詩書下策禁焚燎當令百鍊剛  
甘就一指繞低回未嘗試坐被世人少秋霜一朝下凌  
厲見鷺鳥為君整驕墮重立稷苴表

過淮三首贈景山兼寄子由

好在長淮水十年三往來功名真已矣歸計亦悠哉今  
日風憐客平時浪作堆晚來洪澤口捍索響如雷  
過淮山漸好松檜亦蒼然藹藹藏孤寺泠泠出細泉故  
人真吏隱小檻帶巖偏却望臨淮市東風語笑傳

回首濉陽幕簿書高沒人何時桐柏水一洗庾公塵此  
去漸佳境獨遊長慘神待君詩百首來寫浙西春

樂城次韻

出處平生共江淮恨不來宦遊良悞我老病賦懷哉徇  
物終今世量書盡幾堆歸耕少憂患惟有仰春雷

蜀中  
謂田

無水利者  
為雷鳴田

龜山昔同到松竹故依然紅印封鹹豉黃罌分井泉青  
天攜杖處晚日落帆徧無限相思意新詩句句傳

行役饒新喜臨川逢故人相看對泉石憐我在埃塵會  
合終多故分張類有神南遊得如願夢想雪溪春

余去金山五年而復至次舊詩韻贈寶覺長老

誰能斗酒博西涼但愛齋厨法鼓香舊事真成一夢過  
高談為洗五年忙清風偶與山阿曲明月聊隨屋角方  
稽首願師憐久客直將歸路指茫茫

少游次韻

雲峯一變隔炎涼猶喜重來飯積香宿鳥水干迎曉開

亂帆天際受風忙  
青鞋踏雨尋幽徑  
朱火籠紗語上方  
珍重故人敦妙契  
自憐身世兩微茫

遊惠山

并叙

余昔為錢塘倅往來無錫未嘗不至惠山既去五  
年復為湖州與高郵秦太虛杭僧參寥同至覽唐  
處士王武陵竇羣朱宿所賦詩愛其語清簡蕭然  
有出塵之姿追用其韻各賦三首

夢裏五年過覺來  
雙鬢蒼還將塵土足  
一步漪瀾堂俯

窺松檜影仰見鴻鶴翔炯然肝肺間已作冰玉光虛明

中有色清淨自生香還從世俗去永與世俗忘

右武陵韻

薄雲不遮山疎雨不濕人蕭蕭松徑滑策策芒鞋新嘉

我二三子皎然無緇磷勝遊豈殊昔清句仍絕塵弔古

泣舊史疾讒歌小旻哀哉扶風子難與巢許鄰

右賓羣韻

敲火發山泉烹茶避林樾明窓傾紫盞色味兩奇絕吾

生眠食耳一飽萬想滅頗笑玉川子飢弄三百月豈如

山中人睡起山花發一甌誰與共門外無來轍

右朱宿韻



少游次韻

輟棹縱幽討，藍輿入青蒼。  
圓頂相邀迓，旃檀燎深堂。  
層巒淡如洗，傑閣森欲翔。  
林芳含雨滋，岫日隔林光。  
洎洎續清溜，靡靡傳幽香。  
俯仰佳覽眺，悠哉身世忘。

使君厭機械，所與惟散人。  
顧慚蒹葭陋，繆倚瓊枝新。  
上千青礐礐，下屬白磷磷。  
洞天不知老，金界無棲塵。  
緬彼人間世，烏蟾閱青旻。  
詎得踵三隱，山阿相與鄰。

樓觀相複重，邈然闕深樾。  
九龍吐清泠，灑灑曾未絕。  
巖巖

岳馳千里真珠猶不滅  
況復從茶仙茲馬試葵月岸巾  
塵想消散策佳興發何以慰遨嬉  
操觚繼前轍

張先生

并敘

先生不知其名黃州故縣人本姓盧為張氏所養  
陽狂垢汙寒暑不能侵常獨行市中夜或不知其  
所止往來者欲見之多不能致余試使人召之欣  
然而來既至立而不言與之言不應使之坐不可  
但俯仰熟視傳舍堂中久之而去夫孰非傳舍者

是中竟何有乎然余以有思惟心追躡其意蓋未  
得也

熟視空堂竟不言故應知我未天全肯來傳舍人皆說  
能致先生子亦賢脫屣不妨眠糞屋流澌爭看浴冰川  
士庶豈識桃推妙妄意稱量未必然

樂城次韻

得罪南來正坐言道人閉口意深全天遊本自有真樂  
羿穀誰知定不賢構火暍暍初吐日飛流袞袞旋成川

此心此去如灰冷肯更逢人問復然

今年正月十四日與子由別於陳州五月子由復至齊安未至以詩迎之

驚塵急雪滿貂裘淚灑東風別宛立又向邯鄲枕中見  
却來雲夢澤南州睽離動作三年計牽挽當為十日留  
早晚青山映黃髮相看萬事一時休

柳子厚別劉夢得詩云聖恩若許歸

田去黃髮相看萬事休

樂城舟次磁湖以風浪留二日不得進子瞻以


詩寄之樂城答二篇前篇自賦後篇次韻

慚愧江淮東北風扁舟千里得相從  
黃州不到六十里白浪俄生百萬重  
自笑一生渾類此可憐萬事不由儂  
夜深魂夢先飛去風雨對床聞曉鐘

西歸猶未見菟裘擬就南遷買一丘  
舟楫自能通蜀道林泉真欲老黃州  
魚多釣戶應容貰酒熟鄰翁便可留  
從此莫言身外事功名畢竟不如休

次韻答子由

平生弱羽寄衝風此去歸飛識所從  
好語似珠穿一一  
妄心如膜退重重  
山僧有味寧知子  
瀧吏無言只笑儂  
尚有讀書清淨業  
未容春睡敵千鍾



坡門酬唱集卷六

欽定四庫全書

集部

坡門酬唱集卷七至十

詳校官中書

臣張經田

助教

臣常循覆勘

總校官庶吉士

臣朱

鈐

校對官編修

臣盧

燧

謄錄舉人

臣郭文鈺



欽定四庫全書

坡門唱唱集卷七

宋邵浩編

東坡

定惠院寓居月夜偶出

幽人無事不出門，偶逐東風轉良夜。  
參差玉宇飛木末，絡繞香烟來月下。  
江雲有態清自媚，竹露無聲浩如瀉。  
已驚弱柳萬絲垂，尚有殘梅一枝亞。  
清詩獨吟還自和，

白酒已盡誰能借不辭青春忽忽過但恐歡意年年謝  
自知醉耳愛松風會揀霜林結茆舍浮浮大甌長炊玉  
溜溜小槽如壓蔗飲中真味老更濃醉裏狂言醒可怕  
閉門謝客對妻子倒冠落佩從嘲罵

次韻前篇

去年花落在徐州對月酣歌羨清夜

去年徐州花下對月與張居厚王子中兄

弟飲酒作  
蘋字韻詩

今年黃州見花發小院閉門風露下萬事如花

不可期餘年似酒那禁瀉憶昔扁舟泝巴峽落帆樊口高

梳亞長江滾滾空自流白髮紛紛寧少借竟無五畝繼沮  
溺空有千篇陵鮑謝至今歸計負雲山未免孤衾眠客舍  
少年辛苦真食蓼老境清閒如啖蔗饑寒未至且安居  
憂患已空猶夢怕穿花踏月飲村酒免使醉歸官長罵  
樂城次韻作春秋對月二篇一以贈王郎一以

寄子瞻

平明坐曹黃昏歸終歲得閒惟有夜已邀明月出牆東  
更遣清風掃庭下城上青鬟四山合門前白練長江瀉

誰家高會吹參差隣婦悲歌春罷亞二年憂患今已過  
一夜清光天所借西京詩句出蘇李南國風流數王謝  
已隨孤棹去中原肯顧新科求上舍讀書本自比嵇鍛  
學劍要須問曹蔗清觴灑灑君莫違佳句駸駸予已怕  
狂夫猖狂終累人不返行遭親黨罵

十年秋月照相思相從祇有彭門夜露侵茄鼓思城關  
寒迫魚龍舞潭下厭厭夜飲歡自足落落襟懷向人瀉  
秋深河來巨野溢水乾樓起滕王亞北海孔公雖好客

河內寇君那得借是非朝野忽紛紜得喪芳菲一開謝  
明月多情還入門流水何知空遶舍晨餐江市賦鱸魴  
夜宿山村足梨蔗坐隅鵬鳥不須問牆外蝮蛇猶足怕  
婁公見唾行自乾馮老尚多誰定罵

石芝

并引

元豐三年五月十一日癸酉夜夢游何人家聞堂  
西門有小園古井井上皆蒼石石上生紫藤如龍  
蛇枝葉如赤箭主人言此石芝也余率爾折食一

枝衆皆驚笑其味如鷄蘇而甘明日作此詩

空堂明月清且新幽人睡息來初勻了然非夢亦非覺  
有人夜呼祁孔賓披衣相從到何許朱欄碧井開瓊戶  
忽驚石上堆龍蛇玉芝紫笋生無數鏘然敲折青珊瑚  
味如蜜藕和鷄蘇主人相顧一撫掌滿堂坐客皆盧胡  
亦知洞府嘲輕脫終勝嵇康羨王烈神山一合五百年  
風吹石髓堅如鐵

樂城次韻

并引

子瞻昔在黃州夢遊人家井間石上生紫藤枝葉  
如赤箭主人言此石芝也折而食之味如鷄蘇而  
甘起賦八韻記之元祐八年余與子瞻皆在京師  
客有至自登州者言海上諸島石向日者多生耳  
海人謂之石芝食之味如茶久而益甘海上幽人  
或取服之言甚益人客以一籃遺子瞻遂次前韻  
鷄鳴東海朝日新光蒙洲島霧雨勻一晞石上遍生耳  
幽子自食無來賓寄書乞取久未許箬籠蕉囊海神戶

戶止也左傳  
屈蕩戶之

一掬誰令墮我前無為知我超諸數此身  
不願清廟瑚但願歸去隨樵蘇龜龍百歲豈知道養氣  
千息有其胡塵中學仙定難脫夢裏石芝空酷烈中山  
軍府得安閒更試朝霞磨鏡鐵

次韻記肉芝

并序

予昔夢食石芝作詩記之今乃真得石芝於海上  
子由和前詩見寄予頃在京師有鑿井得如小兒  
手以獻者臂指皆具膚理若生予聞之隱者此肉



芝也與子由烹而食之追記其事復次前韻

土中一掌嬰兒新爪指良是肌骨勻見之怖走不敢食  
天賜我爾不及賓旌陽遠遊同一許長史玉斧皆門戶  
我家韋布三百年祇有陰功不知數跪陳八簋加六瑚  
化人視之真塊蘇肉芝烹熟石芝老笑唾熊掌頓雕胡  
老蠶作蠶何時脫夢想至人空激烈古來大藥不可求  
真契當如磁石鐵

姪安節遠來夜坐三首

南來不覺歲崢嶸坐撥寒灰聽雨聲遮眼文書元不讀  
伴人燈火亦多情嗟余潦倒無歸日今汝蹉跎已半生  
免使韓公悲世事白頭還對短燈檠

心哀面改瘦崢嶸相見惟應識舊聲永夜思家在何處  
殘年知汝遠來情畏人默坐成癡鈍問舊驚呼半死生  
夢斷酒醒山雨絕笑看飢鼠上燈檠

落第汝為中酒味吟詩我作忍飢聲便思絕粒真無策  
苦說歸田似不情腰下牛閒方解佩洲中奴長足為生

大弔一弛何緣彀已覺翻翻不受檠

樂城次韻

前山積雪暮崢嶸燕坐微聞落瓦聲共對一樽通夜語  
相看萬里故鄉情信歸嶺上寒梅遠恨極江南春草生  
明日青銅添白髮且須醉睡倒燈檠

少年高論苦崢嶸老學寒蟬不復聲目斷家山空記路  
手披禪冊漸忘情功名久已知前錯婚嫁猶須畢此生  
家世讀書難便廢漫留案上鐵燈檠

謫官似我無歸計  
落第憐渠有屈聲  
握手天涯同一笑  
倚門歲晚不勝情  
黃岡俯仰成陳迹  
白首蹉跎畏後生  
歸去且安南巷樂  
莫看歌舞醉長檠

初秋寄子由

百川日夜逝  
物我相隨去  
惟有宿昔心  
依然守故處  
憶在懷遠驛  
閉門秋暑中  
藜羹對書史  
揮汗與子同  
西風忽淒厲  
落葉穿戶牖  
子起尋袂衣  
感歎執我手  
朱顏不可恃  
此語君莫疑  
別離恐不免  
功名定難期  
當時已淒

斷況此兩衰老失塗既難追學道恨不早買田秋已議  
築室春當成雪堂風雨夜已作對牀聲

樂城次韻

少年耽世味徘徊不能去老來悟前非尚愧昔遊處君  
才最高峙鶴行鷄羣中我雖非君對顧以兄弟同結髮  
皆讀書明月入我牖縱橫萬餘卷臨紙但揮手學成竟  
無用掩卷空自疑却尋故山友重赴幽居期秋風送餘  
熱冉冉如人老衣裘當及時田廬亦須早種竹竹生筍

種稻稻亦成浩歌歸來曲曲中有遺聲

南堂五首

齊安拾遺夏澳口之側本水驛有亭曰臨臯郡人以驛之高坡上築南堂為先

生游  
息

江上西山半隱堤此邦臺館一時西南堂獨有西南向  
卧看千帆落淺溪

莫年眼力嗟猶在多病顛毛却未華故作明牕書小字  
更開幽室養丹砂

他時夜雨困移牀坐厭愁聲點客腸一聽南堂新瓦響

似聞東塢小荷香

山家為割千房蜜稚子新畦五畝蔬更有南堂堪著客  
不憂門外故人車

掃地燒香閉閣眠簾紋如水帳如煙客來夢覺知何處  
挂起西窗浪接天

樂城次韻

江聲六月撼長堤雪嶺千重過屋西一葉軒昂方斷渡  
南堂蕭散夢寒溪

旅食三年已是家  
堂城非陋亦非華  
何方道士知人意  
授與爐中一粒砂

北牖清風正滿牀  
東坡野菜漫充腸  
華池自有醍醐味  
丈室仍聞薝蔔香

隣人漸熟容賒酒  
故客親留為種蔬  
佳穩不論歸有日  
船通何患出無車

客去知公醉欲眠  
酒醒寒月墮江煙  
牀頭復有三升蜜  
貧困相資恐是天



將至筠先寄遲适遠三猶子

露宿風餐六百里明朝飲馬南江水未見豐盈犀角兒

先逢玉雪王郎子

時道逢王郎於建昌方北行也

對牀欲作連夜語念

汝還須戴星起夜來夢見小於菟

遠小名虎兒

猶是髭髥垂

兩耳憶過濟南春未動三子出迎殘雪裏我時移守古

河東酒肉淋漓渾舍喜而今憔悴一羸馬逆旅擔夫相

汝爾出城見我定驚嗟身健窮愁不須恥我為乃翁留

十日掣電一歡何足恃惟當火急作新詩一醉兩翁勝

酒美

樂城次韻子瞻特來高安相別先寄遲迢遠却

寄邁迢迢過

老兄騎驃日百里據鞍作詩若飜水忽吟春草思惠連  
因之亦夢添丁子羣兒益長堪一笑老馬卧餐何日起  
聞兄盡室皆舊人見面未曾惟遜耳遲年最長二十六  
已能幹父窮愁裏豫兒揚眉稍剛勁黨子溫純無愠喜  
我兄憔悴我亦窮門戶長久真待爾但令戢戢見頭角

甌倒囊空定何恥家藏萬卷須盡讀此外一簪無所恃  
船中未用廢詩書開牕莫看江山美

端午遊真如遲適從子由在酒局

一與子由別却數七端午身隨綵絲繫心與昌歎苦今  
年足馬來佳節日夜數兒童喜我至典衣具鷄黍水餅  
既懷鄉飯筒仍慙楚謂言必一醉快作西川語寧知是  
官身糟麴困薰煮獨攜三子出古剎訪禪祖高談付梁

羅詩律到阿虎歸來一調笑慰此長齟齬

梁羅遲  
適小名

樂城次韻

人生逾四十朝日已過午一違少壯樂日迫老病苦丹  
心變為灰白髮聚可數惟當理鉏耰教子藝稷黍誰令  
觸網羅展轉在荆楚平生手足親但作十日語朝遊隔  
提攜夜卧困蒸煮未歌唐棣詩已治芻靈祖士生際風  
雲富貴若騎虎奈何貧賤中所欲空齟齬

別子由三首兼別遲

知君念我欲別難我今此別非他日風裏楊花雖未定

雨中荷葉終不濕三年磨我廢百書一見何止得雙壁  
願君亦莫歎留滯六十小刳風雨疾

先君昔愛洛城居我今亦過嵩山麓水南卜宅吾豈敢  
試向伊川買修竹又聞緱山好泉眼傍市穿林瀉冰玉  
遙想茆軒照水開兩翁相對清如鵠

兩翁歸隱非難事惟要傳家好兒子憶昔汝翁如汝長  
筆頭一落三千字世人聞此皆大笑慎勿生兒兩翁似  
不知檇櫟薦明堂何似鹽車壓千里

樂城次韻

公來十日坐東軒手自披雲出朝日山川滿目竟何有  
波浪翻天同一濕諸門迭出驚異狀間道懷歸終舊壁  
此行千里隔江河何人更問維摩疾

野人性似修林僧長願幽居近林麓南遷無計脫簪組  
西歸誰為栽松竹頭上白雲即飛蓋耳畔清泉當鳴玉  
洛川猶是冠蓋林更願高飛逐黃鵠

東西南北無住身羯末封胡四男子彫鏤不遣治章句

爛漫先令飽文字疎慵嗟我屬之人生子夜中惟恐似  
傳家粗足不願餘同駕柴車還我里

初別子由至奉新作

雙鵲先我來飛上東軒背書隨好夢到人與佳節會一  
歡難把玩回首了無在却渡來時溪斷橋號淺瀨茫茫  
暑天濶藹藹孤城背青山眊眊中落日淒涼外盛衰豈  
吾意離合非所礙何以解我憂粗了一事大

樂城次韻

四年候公書長視飛鴻背十日留公談欲作白蓮會

筠州

無可語者往還但一二僧耳

匏瓜一遭繫賣酒長不在夜歸步江湄

明月照清瀨心開忽自得語意竟無背

音焙

一樽談笑間

萬事寂寥外欲同千里行奈此一官礙何日真耦耕舉

世無此大

### 初入廬山三首

青山若無素偃蹇不相親要識廬山面他年是故人

山南

山面也



自昔懷清賞神遊杳藹間  
如今不是夢真箇在廬山  
芒屨青竹杖自挂百錢游  
可怪深山裏人人識故侯

文潛次韻二首

人生孰非夢夢裏見廬山  
若了原無夢何曾有往還  
齋心禮仙聖不是愛山游  
山中笑何等白髮更諸侯

書李公擇白石山房

偶尋流水上崔嵬五老蒼顏一笑開  
若見謫仙煩寄語  
匡山頭白早歸來

魯直次韻

幽人八座復中臺想見書堂山杏開四十餘年僧屈指  
時因秋雁寄聲來

坡門酬唱集卷七

欽定四庫全書

坡門酬唱集卷八

宋 邵浩 編

東坡

和李太白 并叙

李太白有潯陽紫極宮感秋詩紫極宮今天慶觀也道士吳洞微以石本示予蓋其師卓玘之所刻玘有道術節義過人今亡矣太白詩云四十九年非一往不可復

今予亦四十九感之次其韻玉芝一名瓊田草洞微  
種之七八年矣云更數年可食許以遺余故并記之  
何處聞秋聲脩脩北牕竹回薄萬古心攬之不盈掬靜  
坐觀衆妙浩然媚幽獨白雲南山來就我簷下宿懶從  
唐生決羞訪季主卜四十九年非一往不可復野情轉  
蕭散世道有反覆陶令歸去來田家酒應熟

右太白詩

寄卧虛寂堂月明浸修竹泠然洗我心欲飲不可掬流  
光發永歎自惜非予獨行年四十九還此北窓宿緬懷

卓道人白首寓醫卜謫仙固遠矣此士亦難復世道如  
奕碁變化不容覆惟應玉芝老待得蟠桃熟

魯直次韻

不見兩謫仙長懷倚修竹行達紫極宮明珠得盈掬平  
生人欲殺耿介受命獨往者如可作抱被來同宿砥  
柱開顏波不疑更何卜但觀草木秋葉落根自復我病  
二十年大斗久不覆因之酌蘇李蠚肥社醅熟

泗州南山監倉蕭淵東軒二首

偶隨樵父採都梁

南山名都梁山山出都梁香故也

竹屋松扉試乞漿

但見東軒堪隱几不知公子是監倉  
溪中亂石墻垣古山下寒蔬七箸香  
我是江南舊遊客挂冠知有老蕭郎  
北望飛塵苦晝霾洗心聊復寄東齋  
珍禽聲好猶思越野橘香清未過淮  
有信微泉來遠嶺無心明月轉空階  
一官倉庾真堪老坐看松根絡斷崖

樂城次韻

肩輿嫋嫋渡浮梁吏隱知君寄一倉  
十里遙看飛阜蓋

小軒相對有壺漿清宵往往投車轄永日霏霏散篆香  
留滯淮南久仍樂暮年何意復為郎

萬斛塵飛日為靈無心退食自成齋梅生紅粟初迎臘  
魚躍銀刀正出淮卧病空看帆度磧誦詩猶記雪填堦  
夾河南北俱形勝且借高城作兩崖

高郵陳直躬處士畫雁二首

野雁見人時未起意先改君從何處看得此無人態無  
乃槁木形人禽兩自在北風振枯葦微雪落璀璨慘淡

雲水昏晶瑩沙礫碎弋人悵何慕一舉眇江海

衆禽事紛爭野雁獨閑潔徐行意自得俯仰若有節我  
哀寄江湖老伴雜鵝鴨作書問陳子曉景畫苔雪依依  
聚圓沙稍稍動斜月先鳴獨鼓翅吹亂蘆花雪

无咎次韻

畫寫物外形要物形不改詩傳畫外意貴有畫中態我  
今豈見畫觀詩雁真在尚想高郵間湖寒沙瑣瑣冰霜  
已凌厲藻荇良瑣碎衡雁渺何處中汀若煙海



蕭條新湖秋霜落洲渚潔蓮垂蘭杜死菖蒲見深節慘  
淡沙礫姿清波侶羣鴨往時吳興守看畫憶苔雪為儀  
尚不休孤高比雲月聞在雪堂時滿堂惟畫雪

送楊傑

并叙

無為子嘗奉使登太山絕頂鷄一鳴見日出又嘗  
以事過華山重九日飲酒蓮花峯下今乃奉詔與  
高麗僧統遊錢塘皆以王事而從方外之樂善哉  
未曾有也作是詩以送之

天門夜上賓出日萬里紅波半天赤歸來平地看跳丸  
一點黃金鑄秋橘太華峯頭作重九天風吹灑黃花酒  
浩歌馳下腰帶鞶醉舞崩崖一揮手神遊八極萬緣虛  
下視蚊雷隱汙渠大千一息八十返笑厲東海騎鯨魚  
三韓王子西求法鑿齒彌天兩勍敵過江風急浪如山  
寄語舟人好看客

樂城次韻

人言長安遠如日三韓住處朝日赤飛帆走馬入齊梁

却渡吳江食吳橘玉門萬里惟言九行人淚墮陽關酒  
佛法西來到此間遍滿曾如屈伸手出家王子身心虛  
飄然渡海如過渠遠來忽見傾盆雨屬國真逢戴角魚  
至人無心亦無法一物不見誰為敵東海東邊定有無  
拍手笑作中朝客

次韻孫莘老斗野亭寄子由在邵伯堰

落帆謝公渚日脚東西平孤亭得小憇莫景含餘清坐  
待斗與牛錯落掛南甕老僧如宿昔一笑意已傾新詩

出故人舊事疑前生  
吾生七往來送老海上城逢人輒  
自晒得魚不忍烹似聞績溪老復作東都行小詩如秋

菊艷艷霜中明過此感我言長篇發春榮

莘老詩  
淮海無林丘曠

澤千里平一渠閑防潞物色故不清老僧喜穿菜北戶  
延朱甍簷楹斗杓落簾幃河漢傾平湖杳無涯湛湛綠  
波生結纜嗟已晚不見芙蓉城尚想紫茱盤明珠出新  
烹平生有微尚一舟聊寄行遇勝輒偃蹇霜鬢刷澄明  
可待齒牙豁  
歸與謝浮榮

樂城次韻

扁舟未遽解坐待兩閤平濁水汙人思野寺為我清昔

游有遺咏枯墨存高薨故人獨未來一樽誰與傾北風  
吹微雲暮寒依月生前望邗溝路却指鐵甕城茅簷卜  
茲地江水供晨烹試問東坡翁畢老幾此行奔馳力不  
足隱約性自明早為歸耕計免慚老僧榮

僧榮斗野主人也子瞻將

卜居丹陽蒜山下此亭正當歸路故云爾

### 魯直次韻

謝公所築埭未數曲池平蘇州來賦詩句與秋氣清結  
搆擅空濶湖光浮棟甍惟斗天司南其下百瀆傾貝宮

產明月含澤遍諸生槃礴淮海間風煙侵十城籟蕭吹木  
末浪波沸庖烹我來杪搖落霜清見魚行白鷗遠飛回  
得我若眼明佳人歸何時解衣繞廂榮

魯直長蘆寺下次韻

風從落帆休天與大江平僧坊晝亦靜鐘磬寒愈清淹  
留屬暇日植杖數連甍頗與幽子逢煮茗當酒傾攜手  
霜木末朱欄見潮生檣移永正縣烏度建康城薪者得  
樹鷄羹盂味南烹香杭炊白玉飽飯愧閒行叢祠思歸

樂吟弄夕陽明思歸誠獨樂薇蕨漸春榮

少游次韻

淮海正冬仲霜雪滋不平菱荷枯折盡積水寒更清輟  
棹得佳觀湖天繞朱甍信美無與娛濁醪聊自傾北眺  
桑梓國悠然白雲生南望古邗溝滄波帶蕪城村墟翳  
茅竹孤烟起晨烹簷間鳥聲落客子念當行攬衣視日  
景薄暮漏微明何時復來游春風發鮮榮

送陳睦知潭州

華清縹緲浮高棟上有纈林藏石甕一杯此地初識君  
千巖夜上同飛鞚君時年少面如玉一飲百觚嫌未痛  
白鹿泉頭山月出寒光潑眼如流汞朝元閣上酒醒時  
卧聽風琴鳴鐵鳳舊游空在人何處二十三年真一夢  
我得生還雪髯滿君亦老嫌金帶重有如社鷺與秋鴻  
相逢未穩還相送洞庭青草渺無際天柱紫蓋森欲動  
湖南萬古一長嗟付與騷人發嘲弄

用前韻答西掖諸公見和



雙猊蟠礎龍纏棟金井輓轡鳴曉甕小殿垂簾碧玉鉤  
大宛立仗青絲鞵風馭賓天雲雨隔孤臣忍淚肝腸痛  
羨君意氣風生坐落筆縱橫盤走汞上樽日日瀉黃封  
賜茗時時開小鳳閉門憐我老太玄給札看君賦雲夢  
金奏不知江海肱木瓜屢費瓊瑤重豈惟蹇步困追攀  
已覺侍史疲奔送春還宮柳腰支活雨入御溝鱗甲動  
借君妙語發春容顧我風琴不成弄

樂城次韻

海上石橋餘折棟大舶記君過鐵甕東行萬里若乘空  
老蜃長鯨應入鞆波搖風卷卧不起免教髀肉鞍磨痛  
歸來過我話艱苦驚汗津津尚流汞海涯風物盡成圖  
錯落天吳兼紫鳳至今想像隔人世往往風濤吹晝夢  
長沙欲往壓飛楫幸有千兵作迎送文章清逸世少比  
科第崢嶸聲自重遠行屢屈衆所歎出祖誰攀車欲動  
明朝鼓角背王城莫聽單于吹曉弄

子雍奉使三韓轍  
時在南都見其往

返故此  
詩言之

道者院池上作

下馬逢佳客，攜壺傍小池。  
清風亂荷葉，細雨出魚兒。  
井好能冰齒，茶甘不上眉。  
歸途更蕭瑟，真箇解催詩。

樂城次韻

雨氣涼侵殿，河流滲入池。  
黃梁淪魚子，白酒瀉鵝兒。  
風細初生袖，塵清免汗眉。  
郊行不易得，佛壁看題詩。

和王鞏

謫仙竄夜郎，子美耕東屯。  
造物豈不惜，要令工語言。  
王

郎年少日文如瓶水翻爭鋒雖剽甚聞鼓或驚奔天欲  
成就之使觸羝羊藩孤光照微陋耿如月在盆歸來千  
首詩傾瀉五石樽却疑彭澤在頗覺蘇州煩君看鄒忌  
子廉折配春溫知音必無人壞壁掛桐孫

再用前韻和其姪震知蔡州

王震字子發文正公  
旦曾孫子發時為給

事中故

云夕郎

九門挿天開萬馬先朝屯舉鞭紅塵中相見不得言夜  
走清虛宿叩門驚鵲翻君家汾陽家永巷車雷奔夕郎

方不夕列戟以自藩相逢開月閣畫簷低金盆至今夢  
中語猶舉燈前樽阿戎修玉牒未憚筆削煩君歸助獻  
納坐繼岑與溫我客二子間不復尋諸孫

魯直次韻

遠志作小草鼃衣生陵屯但為居移氣其實何足言名  
下難為人醜好隨手翻百年炊未熟一垤蟻追奔夏日  
蓬山永戎葵茂牆藩王子吐佳句如蘭絲出盆風姿極  
洒落雲氣畫墨樽屬有補袞章自當寵頻煩鄙夫無他

能上車問寒溫惟思窮山去抱犢長兒孫

无咎次韻

東國寬市征西山休騎屯時清詩人喜洗濯出佳言淵  
源蘇夫子河入蒲昌翻軌轍校書君駕驂盜驪奔後來  
得溶沖他人孰窺藩譬余學禮素婦祭盛於盆不應麾  
門牆尚許酌衢樽夢天九門開燦然列星繁羣公顧我  
喜顏若白璧溫赤城何足躡愁絕永嘉孫

奉敕祭西太一和韓川韻四首

東軒筆錄太一宮  
舊在京城西蘇村

謂之西太一熙寧初詔作宮於  
京城之東西隅謂之中太一

聖主新除祕祝侍臣來乞豐年壽宮神君欲至半夜靈  
風肅然

玉璽親題御筆金童來侍天香禮罷祝融參乘前驅已  
過衡湘

解劍獨行殘月披衣困卧清風夢蝶猶飛旅枕粥魚已  
響枯桐

陂水初含曉綠稻花半作秋香阜蓋却迎朝日紅雲正

遶宮牆

魯直次韻

萬靈未對甘泉五福間  
祀迎年於旗三旂半偃風  
馬雲車闐然

白髦下金神節青竹攜御爐  
香百禮盡修亳祀九歌不  
取沉湘

紫府侍臣鳴玉霜臺御史生  
風官燭論詩未了知秋自  
屬梧桐



泰壇下瑞雲黃雨師灑道塵香便面猶承墜露金鉦半  
吐東牆

文潛次韻二首

太一儲祥世世祠官歲事年年絳節霓旌何處松庭玉  
坐蕭然

玉笋清晨薦酒天風靜夜飄香鳳吹管裁孤竹琴絃奏  
曲瀟湘

祭西太一見王荊公舊詩偶次其韻二首

秋早川原淨麗雨餘風日清酣從此歸耕劍外何人送  
我池南

但有樽中若下何須墓上征西聞道烏衣巷口而今煙  
草萋迷

魯直次韻

風急啼烏未了雨來戰蟻方酣真是真非安在人間北  
看成南

晚風池蓮香度曉日宮槐影西白下長庚夢到清門紫

曲塵迷

魯直有懷半山老人再次韻

短世風驚雨過成功夢迷酒酣草玄不妨準易論詩終  
近周南

啜羹不如放麋樂羊終愧巴西欲問老翁歸處帝鄉無  
路雲迷

送魯元翰知洺州

我在東坡下躬耕三畝園君為尚書郎坐擁百吏繁鳴

哇與鼓吹等是俗物喧永謝十年舊老死三家村惟君  
綈袍信到我雀羅門緬懷故人意欲使薄夫敦新年對  
宣室白首代堯言相逢問前輩所見多後昆道館雖云  
樂冷卿未足溫還持刺史節却駕朱輪軒黃髮方用事  
白鬚宜少存嗣聖真生知拯民如救燔初因羽淵魄盡  
返湘江魂坐憂東郡決老守思王尊北流桑柘沒故道  
塵埃翻知君一寸心可敵千步垣流亡自栖止老幼忘  
崩奔得閒閉閣坐勿使道眼渾聊乘應舍筏直泝無生

源歸來成二老夜榻當重論

樂城次韻

仲連雖不仕而非綺與園逡巡笑談間屢解戰鬪繁子  
敬識二孫長揖鼓輦喧意氣感周郎振策起江村二賢  
繼英風千載爲高門曾孫事仁祖風義風所敦臺閣餘  
故事父老稱遺言白髮識公子十載友元昆婆娑久不  
試俯仰色逾溫五馬忽嘶鳴朱輪夾征軒旌旄隔河至  
部曲幾人存銅虎不可留芻狗行當燔秋潦決河防遺

黎化驚魂憂心念千里何暇把一樽  
西城叩門別南風  
吹帽翻嗟我限出謁未敢逾短垣  
新晴水尚壯想見民  
驚奔安得萬丈堤止此百里渾姑爾  
救一境誰當理其  
源百聞貴一見尺書為我論

坡門酬唱集卷八

欽定四庫全書

坡門酬唱集卷九

宋 邵浩 編

東坡

杜介送魚

新年已送黃封酒  
舊老仍分鱸尾魚  
陋巷關門負朝日  
小園除雪得春蔬  
病妻起斫銀絲鱠  
稚子歡尋尺素書  
醉眼朦朧覓歸路  
松江煙雨晚踈踈

樂城次韻

天街雪霽初通駟禁蘂冰開漸躍魚十尾煩君穿細柳  
一杯勸我莖青蔬寒樽獨酌偶逢客佳句相酬不用書  
江海歸來叨禁近空令同巷往來疎

狄詠石屏

狄詠樞密使武襄公青之  
子與先生同館伴連使

霏霏點輕素眇眇開重陰風花亂紫翠雪外有煙林雪  
近勢方壯林遠意殊深會有無事人支頤識此心

魯直次韻



翠屏臨研滴明牕翫寸陰意境可千里搖落江上林百  
醉歌舞罷四郊風雪深將軍貂狐煖士卒多苦心

武昌西山

并引

嘉祐中翰林學士承旨鄧公聖求為武昌令常遊寒溪  
西山中人至今能言之軾謫居黃岡與武昌相望亦常  
往來溪山間元祐元年十一月二十九日考試館職與聖  
求會宿玉堂偶話舊事聖求嘗作元次山窪樽銘刻之  
巖石因為此詩請聖求同賦當以遺邑人使刻之銘側

春江綠漲葡萄醅武昌官柳知誰栽憶從樊口載春酒  
步上西山尋野梅西山一上十五里風駕兩腋飛崔嵬  
同遊困卧九曲嶺褰衣獨到吳王臺中原北望在何許  
但見落日低黃埃歸來解劍亭前路蒼崖半入雲濤堆  
浪翁醉處今尚在石臼杯飲無樽罍爾來古意誰復嗣  
公有妙語留山隈至今好事除草棘常恐野火燒蒼苔  
當時相望不可見玉堂正對金鑾開豈知白首同夜直  
卧看綠燭高花摧江邊曉夢忽驚斷銅環玉鎖鳴春雷

山人帳空猿鶴怨江湖水生鴻雁來請公作詩寄父老  
往和萬壑松風哀

再次前韻

朱顏發過如春醕胸中梨棗初未栽丹砂未易掃白髮  
赤松却欲參黃梅寒溪本自遠公社白蓮翠竹依崔嵬  
當時石泉照金像神光夜發如五臺飲泉鑒面得真意  
坐視萬物皆浮埃欲收暮景返田里遠泝江水窮離堆  
還朝豈獨羞老病自歎才盡傾空罍諸公渠渠若夏屋

吞吐風月清隅隈我如廢井久不食古甃缺落生陰苔  
數詩往復相感發汲新除舊寒光開遙知二月春江濶  
雪浪倒卷雲峯摧石中無聲水亦靜云何解轉空山雷  
欲就諸公評此語要識憂喜何從來願求南宗一勺水  
往與屈賈湔餘哀

韋應物詩云水性本云靜石中固無聲如何兩相激雷轉空山驚

樂城次韻

我遊齊安十日回東坡桃李初未栽扁舟亂流入樊口  
山雨未止淫黃梅寒溪聞有古精舍相與推挽登崔嵬

山深縣令喜客至寺荒蔓草生經臺黃鵝白酒得野餽  
藤床竹簟無纖埃可憐遷客無人見共怪青山誰為堆  
行驚晚照催出谷中止亂石傾餘壘古今相望兩令尹

謂元結與  
鄧君也

文詞灑落千山隈野人豈復識遺趣過客時

為剡蒼苔五年留滯屐齒禿一朝揮手船頭開玉堂却  
憶昔遊處笑問五柳應凋摧滿朝文士蚤貴達馮陵霄  
漢乘風雷入叅秘殿出華省何曾著足空山來漂流邈  
逅覽遺躅耳中尚有江聲哀

魯直次韻

漫郎江南酒隱處古木參天應手栽石埭為樽酌花鳥  
自許作鼎調鹽梅平生四海蘇太史酒澆不下胸崔嵬  
黃州副使坐閒散諫疏無路通銀臺鸚鵡洲前美明月  
江妃起舞襪生埃次山醉魂追髣髴步入寒溪金碧堆  
洗湔塵痕飲嘉客笑倚武昌江作壘誰知文章照今古  
野老爭席魚爭隈鄧公勒銘留刻畫剗剔銀鈎洗綠苔  
琢磨十年煙雨晦摸索一讀心眼開謫去長沙憂鵬入

歸來杞國痛天摧玉堂却對鄧公直北門喚仗聽風雷  
山川悠遠莫浪許富貴崢嶸今昂來萬壑松聲如在耳  
意不及此文生哀

文潛次韻

靈均不醉楚人醅秋蘭薜蘿堂下栽九江仙人棄家去  
吳市不知身姓梅東坡先生笑二子一丘便欲藏崔嵬  
脫遺簪笏玩杖屨招揖魚鳥營池臺西山寂寞舊風月  
百年石樽埋古埃洗樽置酒招浪士荒墳空餘黃土堆

但傳言語古味在一勺元酒藏山壘鄧公歎息為摩撫  
重刻文字蒼崖隈五年見盡江上客兩屐踏遍空山苔  
謝公富貴知不免醉眼來為蒼生開長虹一吐誰得拚  
六翮故在何曾摧橫翔相與顧鴻雁寶劍再合張與雷  
山猿澗鳥汝勿怨天遣兩公聊一來豈知屈賈終不遇  
詩賦長遣後人哀

无咎次韻

雪堂蜜酒花作醅教蜂使釀花自栽堂前雪落蜂正蟄



恨蜂不採西山梅漫浪飲處空有迹無酒可沃胸崔嵬  
不知幾喚樊口渡五見新厯頒清臺鄧公昔歎不可挽  
素衣未化京雒埃山中相邀阻筇杖天上對直同金罍  
只今江邊春更好漁蓑不曬懸墻隈百年變化誰得料  
劍光自出豐城苔老儒經濟國勢定近臣獻納天顏開  
蜀公亭上別公處花柳未逐東風摧尚容登堂譚落屑  
不愧索米腸鳴雷固知流落本天命何必挽引須時來  
九關沉沉虎豹靜無復極目江楓哀

送楊孟容

墨迹刻石成都府治題  
云送楊體先知廣安軍

我家峨眉陰與子同一邦相望六十里共飲玻璃江  
江山不違人遍滿千家牕但苦牕中人寸心不自降子歸  
治小國洪鐘噓微撞我留待玉坐弱步歌豐扛後生多  
高才名與黃童雙不肯入州府故人餘老龐慙慙與問  
訊愛惜霜眉厖何以待我歸寒醅發春缸

魯直次韻

子瞻詩句妙一世乃云敘庭堅體蓋  
退之戲效孟郊樊宗師之比以文滑

稽耳恐後生不

解故次韻道之

我詩如曹鄴淺陋不成邦公如大國楚吞五湖三江赤  
壁風月笛玉堂雲霧牕句法提一律堅城受我降枯松  
倒澗壑波濤所舂撞萬牛挽不前公乃獨力扛諸人方  
咄點渠非晁張雙但懷相識察牀下拜老龐小兒未可  
知客或許敦龐誠堪壻阿巽買紅纏酒缸

送顧子敦奉使河朔

我友顧子敦軀膽兩俊偉便便十圍腹不但貯書史容  
君數百人一笑萬事已十年卧江海了不見愠喜磨刀

向豬羊醺酒會隣里歸來如一夢豐頰愈茂美平生批  
敕手濃墨寫黃紙會當勒燕然廊廟登劍履翻然向河  
朔坐念東郡水河來屹不去如尊乃勇耳

魯直次韻二首

儒者給事中顧公甚魁偉經明往行河商畧頗應史勞  
人又乏費國計安能已成功渠有命得人斯可喜似聞  
阻飢餘惡少驚邑里啟鑰探珠金奪懷取姝美部中十  
盜發一二書奏紙西連魏三河東盡齊四履此豈小事

哉何但行治水使民皆農桑乃是真儒耳

今代顧虎頭骨相自雄偉不令長天官亦合丞御史能  
貧安四壁無愠可三已昨來立清班國士相顧喜何因  
將使節風日按千里汲黯不居中似非朝廷美大任錄  
萬事御坐留諫紙發政恐傷民天步薄冰履蒼生憂其  
魚南畝多被水公行圖安集信目勿信耳

郭熙畫秋山平遠

潞公為  
跋尾

玉堂畫掩春日閒中有郭熙畫春山鳴鳩乳燕初睡起

白波青嶂非人間，離離短幅開平遠。  
落落疎林寄秋晚，恰似江南送客時。  
中流回頭望雲巘，伊川佚老鬢如霜。  
卧看秋山思洛陽，為君紙尾作行草。  
炯如嵩洛浮秋光，我從公遊如一日。  
不覺青山映黃髮，為畫龍門八節灘。  
待向伊川買泉石。

魯直次韻

黃州逐客未賜環，江南江北飽看山。  
玉堂卧對郭熙畫，發興已在青林間。  
郭熙官畫但荒遠，短紙曲折開秋晚。

江村煙外雨脚明歸雁行邊餘疊嶽坐思黃柑洞庭霜  
恨身不如雁隨陽熙今頭白有眼力尚能弄筆映牕光  
畫取江南好風日慰此將無鏡中髮但熙肯畫寬作程  
十日五日一水石

次韻張昌言給事

馮顛久已歌殘雪戎眼何曾眩落暉  
翔野按行猶雀躍

東臺瞑坐覺鳥飛

道家有鳥飛  
入兔宮之說

漫誇年少容吾在

樂天  
詩云

猶有誇張少年處  
笑呼張丈喚殷兄

若闔樽前舉世稀  
待向崧陽求水竹

一犁煙雨伴公歸

樂城次韻

還家未暇拂塵衣，攜被重來趁落暉。  
省戶鳴騶久分散，宮槐栖鵲共翻飛。  
周廬見月風霾靜，斜漢橫空星斗稀。  
多病心身怯清禁，故山依約夢西歸。

次韻三舍人省上

三月二十九日作  
明日駕幸景靈宮

紛紛榮瘁何能久，雲雨從來翻覆手。  
恍如一夢墮枕中，却見三賢起江右。

曾子開劉貢父孔  
經父皆江西人

嗟君妙質皆瑚璉



顧我虛名但箕斗明朝冠蓋蔚相望共扈翠輦朝宣光  
武皇已老白雲鄉正與羣帝驂龍翔獨留杞梓扶明堂

樂城次韻

君不見西都校書宗室叟東魯高談鼓瑟手偶然同我  
西掖垣並立曉班分左右龍文百斛世無價

屬二公

瓦釜

枵然但升斗諸凡落落不可望兩季辛昔分餘光大孔  
奮飛如南鄉聯翩羣雁相追翔渠家冠蓋猶堂堂

次韻曾子開從駕二首

子開名肇子固幼弟舉進士入館閣編修國史

街槐綠闇雨初勻  
瑞靄香風滿後塵  
清廟幸同觀濟濟  
豐年喜復接陳陳  
雍容已饜天庖賜  
俯伏初嘗貢茗新  
輦路歸來聞好語  
共驚堯顙類高辛

入仗魂驚愧草萊  
一聲清蹕九門開  
暉暉日傍金輿轉  
習習風從玉宇來  
流落生還真一芥  
周章危立近三槐

學士班  
近執政

道傍倘有山中舊  
問我收身早晚回

再次韻

眼花錯莫鬢霜勻  
病馬羸駒只自塵  
奉引拾遺叨侍從

思歸少傳美朱陳  
哀年壯觀空驚目  
嶮韻清詩苦鬪新  
最後數篇君莫厭  
擣殘椒桂有餘辛

憶觀滄海過東萊  
日照三山迤邐開  
桂觀飛樓凌霧起  
仙幢寶蓋拂天來  
不聞宮漏催晨箭  
但覺簷陰轉古槐  
供奉清班非老處  
會稽何日乞方回

時方閣  
會稽守

### 樂城次韻

萬人齊仗足聲勻  
翠輦徐行不動塵  
夾道歡呼通老穉  
從官雜運歎徐陳  
旌旗稍放龍蛇卷  
旒冕初看日月新

天遣雨師先灑道農夫不復誤占辛

農家常以工辛占麥辛深則麥熟今

年正月八日得辛而雨不時應駕未出一日初得雨麥始有望

衣冠雙日欵蓬萊簾脫瓊鈎扇不開清曉連驚三殿啟

翠華遙自九天來晨光稍稍侵黃蓋瑞霧靡靡著禁槐

千兩翟車觀禮罷歸時滿載德風回

是日內外命婦皆會景靈仰瞻三宮

肅然雍穆不言而化諸公之家有能言之者

樂城再次韻

病起江南力未勻強將冠劍拂埃塵木鷄自笑真無用

芻狗何勞收已陳行從鑾旗風日細側聽廟樂管絃新  
誰知四載勤勞後并舉成功祚泣辛

宸心惻惻念汙萊南籞西池閉不開長樂鳴鞘千乘出  
顧成薦瘞萬方來從臣暗泣新宮柳父老行依輦路槐  
雙闕影斜朱戶啟都人留看屬車回

次韻劉貢父省上

密雲今日破郊西疎雨蕭蕭未作泥要及清閒同笑語  
行看衰病費扶攜花前白酒傾雲液戶外青驄響月題

不用臨風苦揮淚君家自與竹林齊

貢父詩中有不及與其兄原父同時

之歎然其兄子仲馮已為起居舍人

再次韻

當年曹守我膠西共厭舖糟與汨泥自古赤丸成習俗

因公黃犢免提攜生還各有青山興病起猶能小字題

莫怪歌呼數相和曾將獄市寄全齊

貢父為曹州盜賊皆奔鄰境蓋嘗有

詩云從教晉

盜稍奔秦

樂城次韻二首

流落江湖東復西歸來未洗足間泥偶隨鵬翼培風上  
時得銜香滿袖攜落筆逡巡看倬直醉吟清絕許分題  
相望魯衛雖兄弟終畏鄰封大國齊

掖垣不復限東西賓客來衝霧雨泥白酒黃封開瀲灩  
朱櫻青籠落提攜五花愧我連書判三道高君免試題  
誰遣松蒿同一谷凌雲他日恐難齊

次韻張昌言喜雨

二聖憂勤忘寢食百神奔走會風雲禁林夜直鳴江瀨

清洛朝田起穀紋夢覺酒醒聞好語帳空簾冷發餘薰  
秋來定有豐年喜剩作新詩準脩君

樂城次韻

已收蠶麥無多日旋喜山川同一雲禾黍趁時青覆隴  
池塘流潤綠生文兩宮尚廢清晨集中禁初消永夜薰  
倉粟未空民望足深耕疾耨肯忘君

魯直次韻

三雨全清六合塵詩翁喜雨句凌雲垤漂戰蟻餘追北